



Broj: 01- 14-7590 /15
Zenica, 01.04.2015. godine

VLADA ZENIČKO-DOBOJSKOG KANTONA
n/r premijera Kantona

PREDMET: Odgovor na poslaničku inicijativu, traži se

Na 6. sjednici Skupštine Zeničko-dobojskog kantona održanoj 30.03.2015. godine, poslanik Hasan Handžić je u okviru predtačke dnevnog reda: „Postavljanje poslaničkih pitanja i pokretanje inicijativa“, pokrenuo inicijativu za smanjivanje plaća i primanja u kantonalnim organima, organizacijama, javnim ustanovama i preduzećima u nadležnosti Kantona.

Molimo vas da shodno članu 199. stav 2. Poslovnika Skupštine Zeničko-dobojskog kantona – Novi prečišćeni tekst ("Službene novine Zeničko-dobojskog kantona", broj: 7/12 i 12/13), u roku od 15 dana od dana prijema ovog akta, predsjedavajućoj Skupštine dostavite odgovor na poslaničku inicijativu.

S poštovanjem!

SEKRETAR

Ibrahim Avdagić



PRILOZI: dio transkripta sa 6. sjednice Skupštine u kome je sadržana inicijativa poslanika Handžića i inicijativa u pismenoj formi

Dostavljeno:

1x Naslovu

1x U predmet 05-03

HASAN HANDŽIĆ

Hvala predsjedavajuća. Kao što sam napomenuo u prvom svom izlaganju ja danas koristim poslovničku mogućnost i pokrećem inicijativu koju ću zbog širine teksta i obima današnjeg dnevnog reda pokušati ukratko rezimirati.

Naime, radi se o podršci odluke Vlade Zeničko-dobojskog kantona iz marta mjeseca prošle godine koja nije realizovana. Stoga pokrećem inicijativu prema Skupštini Zeničko-dobojskog kantona da usvojimo inicijativu da se plaće i primanja u javnim ustanovama i preduzećima u nadležnosti kantona smanje sa 6 na 3 kako je glasila odluka Vlade Zeničko-dobojskog kantona u martu mjesecu prošle godine, obrazlagati ne treba posebno u ovoj Skupštini mislim da je svima dovoljno jasno, mislim da u Kantonu niko ne može imati veću plaću od predsjedavajuće Skupštine, premijera Vlade i Vlade uopće. Onaj ko smatra da vrijedi 6 prosječnih plaća neka otvori privatno poduzetništvo, pa neka vidi kako je namaknuti marku, a da bude ista prema državi i prema radnicima. Evo ukratko, znači, inicijativa je da se potrošnja u javnim preduzećima i ustanovama umjesto plaće smanji za duplo kako je glasila u suštini odluka Vlade u bivšem sazivu u martu mjesecu koja naravno nije sprovedena. Evo toliko.

Handžić Hasan
poslanik u Skupštini Ze-do kantona

SKUPŠTINA ZE-DO KANTONA
-predsjedavajući skupštine-

Poslanička inicijativa

Polazeći od ocjene da je ekonomsko i socijalno stanje u kantonu izuzetno teško i od činjenice da se to stanje ignorisalo, posebno u pogledu izdvajanja za plaće zaposlenika u kantonalnim organima, institucijama i u javnom sektoru, a s pozivom na prava i dužnosti poslanika da inicira donošenje zakona i drugih akata i da pokreće raspravu o pitanjima za koja je Skupština nadležna, podnosim

Inicijativu


za donošenje odluke kojom će se nivo plaća ograničiti i utvrditi u iznosu koji ne može biti veći od tri prosječne plaće ostvarene na nivou kantona u prethodnoj godini / alternativa : tri prosječne plaće ostvarene u Federaciji BiH u prethodnoj godini / Ograničenje plaće odnosi se na zaposlenike u kantonalnim organima, organizacijama, ustanovama i javnim preduzećima.
Ograničenje plaće primjenjuje se počev od januara 2015.godine.

Obrazloženje

Brojnost programa štednje koji su se naslanjali jedan na drugi i brojnost obećanja da će se nivo potrošnje reducirati sugerisala su preokret u prilagođavanju potrošnje prema aktuelnom ekonomskom stanju. Preokreta, na žalost, nije bilo. Naprotiv, nastavljalo se sa potrošnjom koja nije imala realno pokriće a nedostatak sredstava za tu potrošnju namicao ili pokušavao namicati zaduženjima. U takvom stanju nastavljalo se i sa povećanim izdvajanjima za plaće u kantonalnim organima i javnom sektoru bez obzira na činjenicu da učinci vlasti nisu bili nikad lošiji a stanje u kantonu nikad gore. Programski se nudila priča o zamrzavanju izdvajanja za plaće a radilo suprotno programskim dokumentima i mjerama štednje. Za ilustraciju neodgovornog odnosa ističe se odnos prethodne Vlade prema odluci iz marta 2014.godine kojom se nivo plaća sa 6 ograničava na tri prosječne plaće a tu odluku ni jedna od institucija nije ispoštovala.
S razlogom se treba postaviti i pitanje odgovornosti za neprihvatljivo ponašanje i za neprovođenje odluke Vlade kantona jer direktori pojedinih kantonalnih institucija imaju znatno veće plaće od plaće premijera kantona.

Zenica, 30.03.2015.godine

Handžić Hasan, poslanik





Broj: 01-14-7590-1/15
Zenica, 23.04.2015. godine

VLADA ZENIČKO-DOBOJSKOG KANTONA
n/r premijera Kantona

PREDMET: Urgencija odgovora na poslaničku inicijativu
Veza: naš broj: 01-14-7590/15 od 01.04.2015. godine

Našim aktom broj i datum gornji, zatražili smo dostavu odgovora na poslaničku inicijativu poslanika Hasana Handžića sa 6. sjednice Skupštine, održane 30.03.2015. godine, za smanjivanje plaća i primanja u kantonalnim organima, organizacijama, javnim ustanovama i preduzećima u nadležnosti Kantona.

Kako u ostavljenom roku nije pismeni odgovor, a ni naknadno, te kako je poslanik Handžić na 7. sjednici Skupštine održanoj 21.04.2015. godine izrazio nezadovoljstvo zbog nedobijanja odgovora, ali je izrazio ohrabrenje što je sadašnji premijer već početkom mjeseca aprila na osnovu te inicijative već poduzeo mjere i dao 30 dana roka da se enormno visoke plaće sa 6 prosječnih smanje na 3, znači za 50%, te istakao da mu trenutno odgovori više ne trebaju, molimo da, ukoliko smatrate za potrebno da poslaniku Handžiću dostavite i pismeni odgovor, to učinite u narednom periodu.

S poštovanjem!



PRILOZI: naš akt veze broj i datum gornji s prilogom i izvod iz transkripta sa 7. sjednice Skupštine u kome je sadržana elaboracija poslanika Handžića

Dostavljeno:

- 1x Naslovu
- 1x poslaniku Hasanu Handžiću-na znanje
- 1x U predmet /05-03

HASAN HANDŽIĆ

Naravno da se očitujem oko nedobivenog odgovora po prirodi.

Ja sam i u prošlom mandatu i u ovom taj sretnik koji ne dobiva odgovore, ali nije ni bitno. Ja ću istrajavati i dalje u onom što ... u svojoj nakani. Naime, radi se o odgovoru postavljenom ... na jednoj od prošlih sjednica čiji rok već po svim normativnim aktima uveliko prošao. Radi se o institucijama koje nisu dostavile odgovor na enormno visoka primanja i ne poštivanje odluke Vlade iz marta mjeseca 2014. godine. Poslije toga je uslijedila inicijativa koja takođe nije dobila svoj odgovor. Poslije podnešene inicijative i odgovori su prosljeđivani poslanicima, meni nisu, ali me ohrabruje to što je premijer već početkom mjeseca aprila na osnovu tog pitanja i na osnovu te inicijative već poduzeo mjere i dao 30 dana roka da se enormno visoke plaće sa 6 prosječnih smanji na 3, znači za 50%. Naravno, ko neće da radi za tako nisku cijenu nek sebi nađe posao u privatnom sektoru i hvala premijeru na ovom. A evo sad trenutno ni inicijativa i odgovori više ne trebaju.



STRUČNA SLUŽBA

Broj: 01-14-7590-2 /15
Zenica, 29.12.2015. godine

VLADA KANTONA

n/r Premijera

PREDMET: Odgovor na poslaničku inicijativu – Ponovna urgencija
Veza: Naš broj: 01-14-7590-1/15 od 23.04.2015. godine

Ponovo urgiramo dostavljanje odgovora na poslaničku inicijativu poslanika Handžić Hasana, pokrenutu na 6. sjednici Skupštine Kantona, održanoj 30.03.2015. godine, a koja se odnosila na smanjivanje plaća i primanja u kantonalnim organima, organizacijama, javnim ustanovama i preduzećima u nadležnosti Kantona.

PRILOG:

- dio transkripta sa 22. sjednice Skupštine, održane 28.12.2015. godine, u kome je sadržana elaboracija poslanika Handić Hasana u vezi nedostavljanja odgovora na poslanička pitanja, postavljena na prethodnim sjednicama Skupštine

S poštovanjem!



SEKRETAR

Ibrahim Avdagić

Dostavljeno:
1x Naslovu
1x Predmet

HASAN HANDŽIĆ

Hvala predsjedavajuća

Obzirom da ja nisam dobio odgovore na poslanička pitanja, obavještavam Ministarstva i institucije koje nisu u skladu sa Poslovníkom dostavila odgovore na poslanička pitanja postavljena na jednoj od prošlih sjednica, da ću na prvom Kolegiju iste te odgovore, odnosno ista ta pitanja, kandidovati kao tačke dnevnog reda.